

折傷科

接骨丹

烏古散

里東丸


敗蒲煎



金簇科

王不留行散

地榆絹煎



絳雪園古方選註

古吳王子接晉三註

門人吳 蒙正公校

折傷科

接骨丹

七炁罌口

古屋上廣漢前上層生瓶年深者良用純鋼鏐生劉末研之無聲水飛一錢

古文錢

約五百年者良火煨醋淬七次研之無聲如塵者佳五分

右和勻每服七厘先用甜瓜子仁

去殼三錢嚼爛吐出拌

藥再服下清酒過口

附錄烏古散 邵以正真人方



用路上牆脚下往來人便溺處久浸烏碎瓦一塊
洗潔火煨米醋淬五次黃色為度刀刮細末研之
無聲每服三錢好酒送下治骨折筋斷神效

嬰小口瓶也七炁者日月風雨露霜雪也火土結成堅剛
性利復藉天之七炁能透骨入髓理傷續絕古文錢其半
兩五銖出自秦漢紅銅者佳唐時開元錢亦可入藥功專
腐蝕壞肉陳藏器曰能直入損處鐸人斷骨甜瓜子仁開
腸胃之壅遏通筋骨之機關因丹藥厘數甚微助以入胃
轉輸為丹藥之嚮導也 烏古散其理相同取其便捷故
附錄於後

里東丸

五靈脂

炒醬色為度九兩五錢五分

番木鱉

用麻油在銅杓內煎滾放在內約二次二

穿山甲

浮即好十兩
炒黃焦二兩五錢

地龍

非地者佳將滾湯泡熟在日內曬乾如不乾
在火上焙乾不得隔夜九兩五錢

黃蔴灰

切碎貯陽城罐內鹽泥封固頭大火內煨
三兩

麝香

三錢三分

芸香

即白膠香楓脂也二兩五錢

乳香

去油一兩二錢五分

古文五銖錢

火煨十七个

自然銅火炒二兩

草烏去皮尖炒三錢五分

全蠍去尾上鈎一兩二錢五分

當歸酒洗一兩二錢五分

京墨如方氏陳者佳火燒烟盡為度二錢五分

右酒糊為丸硃砂為衣蠟丸永久不壞每丸一錢五分重好酒開送下清晨服時須先略飲食然後用藥即下部傷亦食後服

里東丸少陵僧所傳細譯是方都用血肉靈動之藥蓋草木具無形之氣不足以治形傷也五靈脂受五行之靈氣

迅入肝經用以利氣行血退腫接骨番木鱉形傷者必腫
腫則氣凝血死用以解破處之血熱消形傷之結腫穿山
甲寓水而食穴陵而居用以出陰入陽走竅經絡迅達傷
處蚯蚓上食槁壤下飲黃泉用以從陽入陰取蚓毒攻絡
內之瘀更取蚓性逐水解熱消腫四者功專外消結腫分
兩獨重者治傷綱領之藥也黃蘗灰用以破血利小便行
傷接骨麝香通關入腎用以外通百竅內透骨髓乳香入
心經言諸痛皆屬心火用以護心托裏昏神定痛芸香性
燥入脾用以勝肉理之濕排膿止痛強筋骨生肌肉古文
錢跌撲損傷者用半兩五銖折傷必然肉敗用以腐蝕壞

肉自然銅性燥破血用以逐敗惡之血六者去瘀生新安
神定痛分兩次之者治傷之條目也草烏外風襲入破傷
之處即為破傷風用以祛經絡之風從表而出全蠍外風
襲入內風必從用以直攻破損之處消散內風二者非防
微杜漸亦折傷中所必有之證也當歸補營血用以去瘀
生新京墨灰牆能固衛氣用以生肌膚合傷縫二者各具
收成之理統論全方雖非控經定證然其調治折傷之法
井井有條先退腫後定痛腐其壞肉去其惡血祛其風活
其血俾經脉流通則氣血條暢脂膏流着於傷處其骨自
接

敗蒲煎

敗蒲席

一握三寸

久用炊單布

一尺燒灰

緋帛

如手大燒灰

亂髮

如雞子大燒灰

大黃

一兩切浸湯成下

桃仁

四十九箇去皮尖

甘草

如中指節灸剉

右七味以童子小便量多少煎湯成內酒一大盞次

下大黃去滓分溫三服先剉敗蒲席半領煎湯浴衣

被蓋覆斯須通利數行痛楚立差利及浴水勿怪

卽瘀血也

金匱敗蒲煎治馬墜傷者馳騁之時陽鼓於上卒然而墜傷在於首病頭脹頸麤發熱體痛故其所治有不同於平

常跌撲所傷者方中多用陳敗之物取其伏陽而行瘀也
敗蒲席須作帆之蒲惟鄉船中嘗以爲臥具者佳藉其精
神所憑可以伏陽且陳蒲可逐上焦瘀血炊單布久蒸則
受湯熟之氣可以化陽自熄退腫除陳亂髮療驚安神緋
帛行瘀搜傷大黃桃仁甘草即桃仁調胃承氣二湯之義
用以掃除三焦之瘀外用敗蒲沐浴以逐肌肉筋骨之瘀
內外兼治非聖心化裁誰能及此

絳雪園古方選註

古吳王子接晉三註

門人校

金簇科

王不留行散

王不留行

十分八月八日採

蒴藿細葉

十分七月七日採

桑東南根白皮

十分三月三日採

川椒

三分除目及開口炒去汗

厚朴

二分

黃芩

二分

芍藥

二分

乾薑

二分

甘草

十八分

右九味桑根皮以上三味燒灰存性勿令灰過各別杵篩合治之爲散服方寸匕小瘡卽粉之大瘡但服之產後亦可服如風寒桑東根勿取之前三物皆陰

乾百日

金及傷處封固不密中於風則倉卒無汁中於水則出青黃汁風則發癰水則溼爛成瘡王不留行疾行脉絡之血灌溉周身不使其湍激於傷處桑根皮泄肌肉之風水蒴藿葉釋名接骨草滲筋骨之風水三者皆燒灰欲其入血去邪止血也川椒祛瘡口之風厚朴燥刀痕之濕黃芩退肌熱赤芍散惡血乾薑和陽甘草和陰用以爲君者欲其

入血退腫生肌也風濕去陰陽和瘡口收肌肉生此治金瘡之大要

地榆絹煎

地榆

八兩洗淨搗爲細末絹一疋小薄者

右用清水洗淨絹糊以炭灰淋清汁二斗煮絹候灰汁盡爲度絹已爛熟擘得成片段五寸至三寸即將絹攢盡灰汁於清水內洗五六次令灰力去盡重入鍋內以水二斗入地榆末煎煮熟爛撈起絹不成片入砂盆研之如糊分爲四服用白粳粥飲調每日空心用一服服後仰臥不得轉側言語驚動其藥食忌

一切毒物惟食爛黃雌雞白米軟飯須將養一月加
意慎護其藥直至損處補完傷痕隔日開瘡口看之
只有宿舊物出而無新惡物出外用長肉散肉長其
痕自合

絹能接腸補囊及一切藏府傷殘者得乎桑之力也以桑
受日出之生氣又爲箕星之精故稱桑爲神葉蠶食之化
爲絲能入藏府傷處續絕補破真有煉石補天之神地榆
能化五金八石故能療金簇毒藥之傷王損庵立贊此方
神妙余觀外臺千金療金刃傷處以桑線縫之桑膏塗之
是亦取生氣也

祝由科

祝由論

祝由于竈轉告北斗法

斗罡符 并咒

濟世符

大北斗咒

布米斗象 并圖

斗建說 并圖

北斗中天說

輔星解

符禁科

符說

北斗符

驅瘟辟疫符并咒

辟疫咒

服符法

禁瘡符并咒

禁瘡咒註釋

禁說

行禁用字篆治病說

絳雪園古方選註

古吳王子接晉三註

後學徐焯占采校

祝由論

靈素有言曰古之治病惟移精變氣可祝由而已往古人
居禽獸之間動作以避寒陰居以避暑內無眷慕之累外
無伸宮之形恬憺無爲而仍有疾是必有過獲罪於神明
故毒藥不能治其內鍼石不能治其外則惟祝由以告於
神也昔孔子有疾子路請禱其請禱也固非異端但不當
請禱於聖人蓋聖人未嘗有過其素行固已合於神明故